

Naqqiut**Saqqummiussissut 14. agusti 2024-meersoq taarserpaa.**

(Kukkunersuinermik naqqiissutinik allannguuteqartoqarpoq kiisalu saqqummiussissut naalisarneqarluni)

Silaannakkut angallanneq pillugu inatsisip allangortinneqarnissaa pillugu inatsisip Kalaallit Nunaannut atuutilersinneqarnissaanut peqqussummik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut

(Ineqarnermut Attaveqaasersuutinullu Naalakkersuisoq)

Saqqummiussissut

(Ineqarnermut Attaveqaasersuutinullu Naalakkersuisoq)

Siullermeerneqarnera

Aalajangiiffigisassatut siunnersuutitigut matumuuna Naalakkersuisut kissaatigaat, Silaannakkut angallanneq pillugu inatsisip allangortinneqarnissaa pillugu inatsisip Kalaallit Nunaannut atuutilersinneqarnissaanut peqqussummik Kalaallit Nunaata akuersissutigisassaa.

Siunnersuut tallimanik imaqarpoq:

- Havarikommisionip misissuinissamut pisussaaffia
- Havarikommisionip oqartussaqaarfittut arlaannaannulluunniit attuumassuteqaangitsutut ingerlanissaata qulakkeerneqarnissaa
- Dronenut suliaasaqaarfimmi piginnaatitsissutinik nalinginnaasumik tunniussisinnaaneq
- Digitalikkut aqqiissutit aallaavigalugit sulianik eqaatsumik suliaqarneq
- Atortutigut sunniuneqartussaangitsunik silaannakkut angallanneq pillugu inatsimmi teknikkikkut, oqaatsitigullu allannguinerit

Havarikommisionip misissuinissamut pisussaaffianik annertusaanissamik, peqqussummik siunnersuut siunertaqarpoq. Siunnersuuteqarnikkut ajutoornerit ajorluinnartut imaluunniit ilungersunartunik ajutoornerit kinguneqartut tamaasa ilaatinneqalersillugit, misissuinissamut pisussaaffik annertusineqassaaq.

Tullertut Havarikommisionip oqartussaqaarfittut arlaannaannulluunniit attuumassuteqaangitsutut ingerlanissaa qulakkeerneqassaaq.

Dronet inuussutissarsiuutaalersimanerinit atatillugu aamma siunnersuutigineqarpoq, silaannakkut angallannerup isumannaallisarneqarneranut sunniuteqassangitsoq nalilerneqarpat, dronenut suliaasaqaarfimmi piginnaatitsissutinik oqartussanut allanut, kattuffinnut namminersortunut, suliffeqaarfinnut aamma sulianut ilisimasalinnut

tunniussisoqarsinnaalersillugu silaannakkut angallanneq pillugu inatsimmi tunngavimmik pilersitsisoqassasoq. Suliat kalaallisut ingerlanneqarsinnaalernissaannut periarfissiissasoq nalilerneqarpoq.

Sunniuteqarluartumik sulianik ingerlatsisoqarnissaa pitsaanerpaamik tunngavissinniarlugu, silaannakkut angallanneq tamaat eqqarsaatigalugu innuttaasut aamma suliffeqarfiit digitalimik aaqquissuussinernik, Trafikstyrelsen atugassanngortitaanik aallaaviusumik atuinissaat pillugu transportministeri malittarisassanik aalajangersaanissamut piginnaatinneqarnissaanik siunnersuut siunertaqarpoq. Immikkut ittumik pisoqartillugu innuttaasup imaluunniit suliffeqarfiup digitalikkut aaqquissutinik atuinnginnissaanik malittarisassanik aalajangersaanissamut tunngavissiisoqarnissaa ilutigisaanik qulakkeerneqassaaq.

Naggataatigut atortutigut sunniuneqartussaannngitsunik silaannakkut angallanneq pillugu inatsimmi teknikkikkut, oqaatsitigullu allannguisoqassasoq siunnersuutitigut siunnersuutigineqarpoq. Kiisalu Kalaallit Nunaannut atuuttussannik silaannakkut angallanneq pillugu inatsimmi teknikkikkut iluarsisuteqarnissaaq.

Taamatut oqaaseqarlunga siunnersuut Inatsisartunit kajumittumik suliassanngorlugu ingerlateqqippara.